

集部

欽定四庫全書非部

詳校官中書臣葉元符 侍讀臣孫球覆勘 校對官中書臣葉 總校官進士臣朱

謄録監生臣王兆鼎


蒯

鈴

大己日日 日本日 町 欽定四庫全書 小辨齋偶存 提要 蹟具明史本傳允成於癸未舉會試丙戌始 萬歷丙戌進士官禮部主事謫光州州判事 明顧允成撰允成字季時無錫人憲成弟也 臣等謹案小辨齊偶存八卷附事定録三卷 殿試以對眾攻嬖倖柳置未第令集中以是 小辨斎偶存 集部六 别集類五明

金岁巴月白量 作詩凡七十首末附事定録三卷為沈思孝 南星滴官而集無此疏疑傳寫佚也次劄 次為代翟從先論救李材及擬上惟此四字 次說義則允成自光州歸田後與憲成講學 編二疏沈思孝作允成墓誌稱其以論 編為冠次為救海瑞疏次為爭三王並封 東林所作次為書簡雜文次為吾與吟則 所為墓誌銘高存之所為行狀及憲成所為 救 所 記 趙 疏

とこうう 1.4.5 行述允成文皆論事講學之語書簡居十之 彼也乾隆四十六年九月恭校上 九直抒胸臆不事修篩詩為繋壤集派亦不 發于忠爱之誠其不朽千古者固在此不 在 八格然大節凛然其對策奏疏皆真氣流溢 小辨庸偶存 總纂官臣紀的臣陸錫熊臣孫士教 總 校 官 臣 陸 ڃ 費 墀



大記日西 罰雖唐虞不能化天下又謂夏后氏先賞而後罰殷 無為而治不賞而民動不怒而民 而儒者之論治曰有功不賞有罪 小解齊偶存 眀 顀允成 撰

賞者非數柳賞罰者帝王致治之具而非其所以治數 與上古殊路數何同歸於治也又有言賞疑從予罰疑 得而陳其縣數朕以寡昧托於臣民之上十有四年矣 於中其揭諸祖訓首章及載諸聖政紀者同符古治可 為古昔帝王皆以君子長者之道待天下然則先罰後 從去者有言寧倦無濫者有言仁可過義不可過者以 人先罰而後賞周人修而無用之則二帝三王所錄固 聖祖繼天立極垂憲萬世恩威莫測其用賞罰務協

金月口月月十

功能之士而不法者以三尺重絕之明示好惡以與天 たこうし たれつ 赈窮詔嘗數下矣胡間闆之困未蘇振旅詰戎令亦屢 於紛華刑獄冤濫示之以寬而吏議多工於鍛鍊蠲租 也而澄清之效罕聞習俗奢侈示之以儉而人心猶 退以教讓也而浮競之風益甚革苞苴罪貪墨以訓魚 风夜兢兢惟古訓是式成憲是遵不愛爵禄賜予以待 下更始然德澤壅而不完法今尼而不行任老成獎恬 矣胡户牖之防未密無乃勸懲之法 闕而未備敏抑 小辨齊偶存 狷

臣對臣間之宋臣蘇軟曰天下無事则公御以言輕於鴻毛 何修而可爾多士居則稱先王譚當世之務其尚完析 也兹欲賞信罰必以紹明聖祖之法而追古帝王之治 不敏不明所以風厲之者非其本而督率之者非其實 所謂修職任事者漏賞而欺謾避課者佚罰歟將朕之 古令根極體要詳著於篇勿隱朕將親覽馬 不及緩急之勢其也方其無事也雖齊桓之深信其臣 天下有事則匹夫之言重於泰山非智有所不能而明有所

金 反 四月 全書

未當不反復嘆息也恭惟皇帝陛下乗乾繼離居豐撫 見信而常患於不及改為此忠臣志士之所以深悲天 之昏庸程元振之用事柳伉之賤且疏而一言以入之 管仲之深得其君以握手丁寧之問將死垂絕之言而 以改爲而常患於不及見信言之於有事之世者易以 不終朝而去其腹心之疾何則言之於無事之世者易 不能去其區區之二豎至其有事且急也雖以唐代宗 下之所以亂亡相尋而世主之所以不悟也臣誦其言

大江口里 白

小辨癖偶存

賜之策問不知陛下於臣之所言將重之如泰山乎抑 學立政策士徐而完之陛下之於學於政何如也當以 已盡賓貢天下最號無事臣等草养匹夫豈復有所計 輕之如鴻毛乎與日者陛下凡四策士於茲矣當以典 泰嗣服以来九徳三俊巳盡登用奸邪谗传欺負之徒 有為無為策士徐而完之陛下之於有於無何如也當)盡除去四海已盡牧寧九夷八蠻之在荒服之外者 仰佐下風而聖主虚懷若渴采及對非進臣等於廷

金分四月百十

嘉唐虞下樂三代祇通皇祖旁採先儒之説俯咨當世 **隐諱以欺陛下即臣請先完陛下之說而後及臣之私** 大巴马里 台門 惟陛下所輕重馬凡陛 下之所以策臣者巡稽上古上 况臣感時發憤有慨於中久矣令明問及之乃忍緘黙 也由 建極用德策士徐而完之陛 下之於極於德何如也 君不庸非臣之罪也君有求而臣不言實臣之罪也 一明武策士徐而完之陛下之於仁於明於武何 斯以該則輕重之效可見於前事已抑臣有言 小辨蘇偶存

罰者懲天下之法然有不倚於罰者所以懲天下之意 者勒天下之法然有不倚於賞者所以勘天下之意也 金月口及白雪 無用之是也自意失而始專法法失而始有賞疑從予 次修法而不妨意夏后之先赏殷人之先罰周人修而 次修意而不廢法唐虞之有功而賞有罪而罰是也其 天下故最上修意上古之不賞而勘不怒而威是也其 也法常有為意常無為有為者以運天下無為者以宰 之務無慮數十百言究其指歸則賞罰二科而已夫賞

之著於有為者也其尚寬也非以扭世其尚嚴也非以 章之所揭大都尚寬其聖政紀之所載大都尚嚴則法 帝繼天立極垂憲萬世恩威莫測賞罰協中其祖訓首 其所以治至矣盡矣臣不能賛一辭矣洪惟太祖高皇 之論無非恐以其有為者傷其無為者也總之三代而 罰疑從去之論有寧偕無濫之論有仁可過義不可過 故其治駁伏讀聖制有曰賞罰者帝王致治之具而非 法與意出於一故其治同三代而下法與意出於二

欠己の馬とい

小辨 蘇偶存

皇上方銳然留意於賞罰勸懲而臣妄信其本實之不 督率之者非其實也本也實也即臣愚之所謂意也且 行此無異故則聖制固言之矣所以風厲之者非其本 所為示天下以惡者彰彰如是然而德澤不完法今不 所為示天下以好者彰彰如是三尺重絕不假於不法 遵成憲賞罰之道甚具而有法爵禄賜予不吝於功能 王比隆也曷論脱近世哉肆我皇上紹休承美式古訓 残民則意之 於無為者也待與休哉宜其治與古帝 金月口屋台雪 卷一

最沈錮而不可解聖王之所亟遠也昨者皇上以鄭 此二者恒陰移其所惡二者何也曰內寵之將盛也曰 奉侍勤劳特册封為皇贵妃大小臣工不勝其私憂過 其欲昏其志而惟色為甚色之中人也做而其溺人也 其體要所謂累皇上之意者大幾有二皇上明以好示 羣小之将逞也夫人主席 崇高籍富有無一不足以厭 天下而此二者恒陰移其所好皇上明以惡示天下而 至非講張其説以為誑也臣愚竊觀當令之勢而根

大足可事を動

小辨癖偶存

古報罷則峻古禮逐夫皇太子國之本也忠言嘉謨 **猶為皇上一已之私也令也以私而掩公以一已而掩** 則赏罰云者將不為皇上之好惡用而為內寵之好惡 **共成屬或得以愛憎弄威福於外不獨此耳閹人侍妾** 之輔也兩者天下之公也鄭妃即奉侍勤勞以視天下 將乗其偏也或得以愛憎弄威福於內外之問若然 下亦已偏矣偏則皇貴妃或得以愛憎弄威福於 因而請冊立皇太子因而請加封王恭如皇上不温 内 國

金少口

A. THE

告不可知而皇上姑寄之其亦有不得已也盖曰向以 察及淵魚幾於徧矣竊聞之道路往往二三羣小伺察 将必有所寄之寄之得其人則安不得其人則危非細 而得之斯可謂寄得其人即不得其人即得不得之間 耳目人主者且 萬萬雖 甚神聖其聰明宜未足以徧也 用欲其信且必未可也夫人主之耳目惟一而天下 也通年以来皇上明習政務聽覽若神盖辨及左高 事專付張居正而居正罔上行私一時公卿臺省

大王日臣公馬

小辨蘇偶存

與皇上為 從風而靡外廷之不足信明甚故寄耳目於此單示天 不聞以偏而盆其偏皇上憋居正之專散而公之於九 卜莫能欺也臣以為不然夫善為治者以全而收其偏 始用事也適皇上銳精求治之初彼方見小信以自 **單之專且與皇上為** 可也若聚而寄之此輩則居正之專尚與皇上為 稱說指陳類多依於公義猶若未害久之則陽 則赦之也倍難奈之何其弗思也且此事 與皇上為二則救之也尚易

金月四月五十

×

欠己日年とい 以讓而奔競者息教之以應而澄清者衆習俗奢侈 出自皇上者先自無所尼天下孰得而尼馬由是教之 之出自皇上者先自無所壅天下孰得而壅馬法令之 其賞也與天下公其好其罰也與天下公其惡則德澤 必未可也德澤之壅法令之尼有由也所願皇上清心 將不為皇上之好惡用而為羣小之好惡用欲其信且 寡怨去說遠色俾此心炯然如鏡之明凝然如衡之平 公而除私也又久之則純出於私矣若然則賞罰云者 小辨斎偶存

如忠於皇上當自今日始欲如忠於今日當自前所陳 命湯避免殖武避永清而皇祖之大烈於今有光也臣 窮之詔而其困自蘇守在四夷不必申振旅詰我之令 金灯口匠 兩言始是以不識忌諱敢遂陳之倘皇上視無事若有 而其防自密將上古遊無為唐虞避時雍風動禹遜文 於儉刑獄兔濫且歸於寬藏富於民不必下蠲 **茆賤士一旦獲伏金闕承玉音遭逢至幸臣以為欲** 而以臣言為重於泰山則皇上之明也倘皇上視 租賬

大三日日 という 語於衆曰此生之言何為便堪鎖榜矣大學士王錫爵 附於先貨之誼維時讀卷官大理寺即何源見臣所對 以古義對縣據耳目所親聞皇上一二事妄有陳列其 還內成入對大廷臣才拙不能以宏詞對臣學淺不能 前胃斯言未嘗不動心也於未臣幸舉南官以病引 禮口事君先資其言拜自獻其身以成其信臣自幼 事若無事而以臣言為輕於鴻毛則臣之愚也臣目味謹對 閱之稍易置三甲二百十三名雖然臣之心獨自傷

小辨癖偶存

彭遵古諸毒賢共發憤疏論以為此疏若行將復有 題於後以志献弘之思云 郊於皇上而臣已承恩禮歸矣每一念之良用耿 都御史海瑞屬被彈劾竊歎皇上有私臣下亦有私 共不達於皇上也假令達於皇上雖復嬪斥臣所不憾 多发口上 鎖榜乎嗣臣觀政吏部恒欲以此再塵天聽偶感右 先自處於私而徒以無私望皇上也實難遂與進 齊偶存卷 ATT THE 耿敬 士 所 臣

欽定四庫全書 次定四車全書 吏部等衙門辦事進士彭遵古顧允成諸壽賢奏為邪 聖明大彰乾斷亟賜罷斥以快公憤以定國是事臣惟 險憲臣婦滅公論排陷孤忠明肆欺罔榮惠天聽怨乞 小辨齊偶存卷二 疏 怨除邪險疏 小辨斎偶存 明 顧允成 撰

其毀雖 朝 赞於下如青天白日毫末洞見雖 盡掩也當其時朝 之所以直道 木 辱國 可欺也難 論 廷者天下之平也聖天子照臨於上公卿 右都 如笑戲馬無所 有巧心峻舌無所交其辨孔子曰斯 御史海瑞大奸極惡敗世益名侮聖自賢 枉其天瑞之口可掩而天下人之口不 而行也臣往者見南直隸提學御史房實 野開之無不切齒抱憤臣等欲請 不 至雖 秋群 有深怨積怒無所容 可文也難 百執事 民也三代 掩 其實 损 協

!

大三日日 人 望之如天上人不能及者至稍知學得海瑞直言天 餘歲時即開海瑞之名以為當朝偉人萬代瞻仰真有 瑞及實人品之縣 而後正實一 方之劍久矣未終陛下因吏部之覆留瑞供職臣等 二字如寰者臣等義不甘與寰同朝敢先為陛下別白 猶可少緩其罪乃震不知皇上優容之過也近乃論 上之明如此震之獨無人心如彼亦必終有悔悟之 如前臣等見之益不勝駭愕不意人間有不識魚恥 小辨麝偶存

薦則及稍得志遂貪污狼籍私豪巨萬貨甲鄉問浙 與否行道之人孰不知之寰起自寒賤初尚矯飾以圖 致意馬固天下所翕然向風也令瑞之廉與否震之貪 親陛下風厲臣工孜孜不倦其於賞 廉吏罪貪墨尤三 無俟臣言也以房寰視之曾有萬分之一乎且臣等伏 磨盖從萬死一生中樹節於我朝者陛下盖已諒之亦 每談及者無不掩鼻視若臭穢令其田宅貴産之侈與 ,事疏讀之其大有功于宗廟社稷垂之千萬年不

金分四月月十

月旦鄉評之聰告萬目所共視也自非兼併營私欺陛 意布之十数年而方信於天下者以震之一 君久之前而無忌者此而無罰臣恐陛下當應罰貪之 年終不使原有餘栗囊有贏金以員陛下為蒙者 . . . 即且人固自有食穢白肥而幸於人之不我攻者矣未 其風宜毛髮妳然愧死無地矣乃欲强面目而反噬之 有執己之貪而不畏人之攻反欲攻人之庶且昌言于 下以剥小民何以致此瑞數歷膴仕食辛茹苦垂四十 小辨齊偶存 疏败之而 聞

京其朴忠容其狂憩不為浮言所搖此陛下始終爱惜 念瑞先朝直臣拔之海演委以留都之風紀使坐鎮雅 之利而反得笑瑞之迁拙此臣等之所痛心也夫皇上 人才培養氣節之大意而天下誦之史策書之以為古 俗近日章疏如囊剥之說情世疾邪雖似太甚陛下猶 正直老成而起用者非一人矣而天下屈指則瑞居 令威德事也且陛下自臨御以來自閣臣以至臺諫以 有餘也且欲天下人為寰甚易為瑞甚難寰身享食繁

好定四月全書

秋霜搏擊豪强則權勢斂迹禁絕侵漁則民困立蘇與水 饋送裁革奢侈躬先節儉以示百僚振風肅紀遠近望 次已写真在馬 江南靡靡之士風而濯之以清冷之水者其功安可誣 之隱然有虎豹在山之勢即使寡才而其英風勁節振 問問騷然幾成大變何其敢於面欺也近在留都禁絕 自海濱無不曰海都堂又起轉相告語喜見眉睫寰言 利議條編一切善政至今黃童白叟皆能道之近日起 馬瑞之列於正人久矣初瑞巡撫南畿時所至如烈日 小辨齊偶存

之罪實之評瑞也曰鄉愿曰穿窬曰鄙夫陛下武察瑞 濁已獨清非所謂禦之以好勝者乎其曰貶奪主威損 盗名非所謂禦之以好名者乎其曰侮聖自賢舉世皆 桁有三日好名日好 勝日彰君過而已今觀寰之武 瑞 口而奪之氣乎昔司馬光言小人欲傾君子其樂之之 丘万里 辱國體非所謂樂之以彰君過者乎臣請得正其欺罔 千有餘言大縣不出此三街之外其曰大奸極詐欺世 也寰獨何心傷陛下之明排海内之議關天下正人之 1 卷二 忠且以為君之能容也而誦其美非獨此也問公之戒 其情實相反有是非之心者告能辨之而實顛倒是非 惟畏人知之穿寄乎果患得患失吮癰舐痔之鄙夫乎此 之為人果同流合污閣然媚世之鄉愿乎果色屬內在 正人君子憂治世危明主有為其君痛哭流涕者矣有 夫則雖指鹿為馬亦何不可之有此為欺罔罪一自古 巧飾奸言以感陛下夫瑞若可以為鄉愿為穿衛為鄙 其君不及齊文宣者矣後世不議其臣之過而嘉其

大小りゅ ひよう

小辨癖偶存

2 成王也而惟 瑞 有丹朱之傲古聖賢之私憂過計類如此令瑞之疏曰 心也實反指摘而 介寒生且以聖人自許聖上所居何位可曰中人 之所言類乎不類乎此為欺 下能容之君仁則臣直此天下臣民 不欲陛下為中人而欲陛下為聖人此正堯舜其君 也农之言曰將使百姓怨我皇上之失政寝之意將 恐其有商王之迷禹之戒舜也而惟恐 **誹之至曰貶英君為中主不知與** 罔 罪二夫以瑞之在 所以歸美於陛 而 耶

位然後為有人即夫直言敢諫謂之貶奪主威憂治危 尺二丁草 たち 異借如寰之意世之甘言談詞頭指氣使者乃所以尊 明謂之損辱國體此與秦之以忠諫為誹謗妖言者何 反以中國為無人必逐去直言盡取庸碌如寰者以充 國係匈奴之望瑞三朝直臣四夷共仰今用之憲臺而 其所不可長者告汲黯為諫議寢淮南之謀蘇武為屬 **調陛下果有失政因瑞昭揭之而民始生怨即抑謂陛** 果無失政因瑞之言而民妄生怨即此則防川之說 小辨癖偶存

金分四月百十 言為孔孟之詬而曰指孔孟為貪夫又曰臣 不得不為 之意曰以吾之不可學聖人之可云爾今實乃指此一 時之鄙夫托孔孟之說以丈其盗賊之身故有激而言 之言乃先儒故時之言也其非孔孟之受賜者盖痛近 重之論故孟子之寬大不如萬章之嚴小此非瑞一 主威鋪張太平倡為豐章豫大之說者乃所以崇國體 耶 孔孟而仇瑞其詞豈不强哉如察其情則大相矛盾盖 此為欺罔罪三古君子不得已而矯世則往往有偏

遊之詠此類是也今瑞非受賜之說其意豈真以孔孟 窟共言雖非孔孟而其情其理則不失為孔孟之正脉 瑞之意以愤世過激之言破假托聖賢以便身圖者之 意义反從而形容之曰以孔孟為貪夫其意欲闢瑞 也震之意明知此言非為訴孔孟而發而伴為不解 為貪而孔孟之非貪夫亦豈待一房寰之辨而始雪乎 天下尚有解然而意不然者如書有漂杵之丈詩有子 こうし シュー 無其端得此一言而執之以為解盖以已敵瑞已不 小辨癖偶存 而

乎令為瑞者不幸而以非受賜之一言遂擲之於吾道 學術卑污茍且悖孔孟者亦多矣何必先闢其不受賜 為孔孟而其情其理則孔孟之罪人也不然實教諸生 瑞以孔孟敵瑞瑞將杜口矣此之謂假公而濟私言若 吞道之中是孔孟乃為實報仇之人孔孟受賜之一言 之外為寰者幸而得關孔孟貪夫之除為城孤社鼠於 以學孔孟其可學者多矣異必先學其受賜即天下之 乃為寰肆跪之具舉天下之人心莫不為之扼腕不平

灰足四草 全 忠君愛國一念皎如青天白日不以始終亂其心可謂 個生死 可謂大義去就進退一惟君命是恭可謂知禮 可謂至仁當世廟時一疏格君心定國體批解犯顏不 無禮無義臣謂瑞為縣今為巡撫百姓戴之如親父母 目果可以空言欺也此為欺罔罪四寰謂瑞不仁不智 攘臂疾呼而攻孔孟臣為孔孟而仇瑞被謂天下之耳 念其强詞奪理而震猶揚揚然自任於皇上之前曰瑞 大智惟僻爱小民則仁之過疾惡大嚴則義之過以實 小辨蘇仍存

金グレ 恭敬不敢稍涉於訴許何者敬之也况天威咫尺臣子 震之口乎此為欺罔罪五令士君子見一長者則語言 嗚呼寰尚知有仁義禮智乎仁義禮智之言胡為出於 臣等方謂瑞徇仁義禮智而過不謂其猶有所未足也 辨 之横逆又何難馬而尚與之較量是非則禮之過雖 承之敢時不遑此追狎侮之地而實於誇張放備諸 如所謂開闢以來第四聖人者如所謂瑞之疏想是 疏曾不足以發 寰萬一之奸則機械小智誠不如寰 Ė 謔 有

言雜之章奏殊為不恭之甚自古臣子告其君父曾有 閉門讀程策而有得者取臣下居常寫主酒席戲笑之 言人人不得而言我矣然為朝廷主張公道者尚有閣 出一戲言玩侮朝廷如此者乎此為欺罔罪六國家持 寰誠巧而合俗瑞誠拙而忤世然天理常存人心不死 言聽吏部都察院之指摘何寰之理曲而氣更壯也夫 臣有吏部有都察院臣在也令電乃敢於陛下之前反 公論者惟科道而寰乃得俸進先據其穴固自謂我可

たこりを こう

小辨薪偶存

告決阿 堂堂天朝君子滿庭明有禮樂幽有思神 史册有公論天地神 日 不足置辯 也 器 臣此為 夫以寰之武瑞吹毛索瘢宜無不至而其所可言者 過 1112. 此 而毀 易袍故靴易帶起官不醉而已此告項屑之談 類而止益足以明瑞之無他瑕玷 礼 | 拱朝廷無人罪七臣觀實所指証瑞 如實所論 即墨者耶 明昭布森列彼豈視部 盖彼且 不近人情亦 不難於欺陛下 不失為賢者之過 而寰之陰險 聖賢有名 院諸大 罪 又何 不過 有 臣 教

金分口月白言

窥 班無所用其伎也臣再觀實本惟關嚴刑用言官 くこうし <u> 燕秦蔡澤之事欲以起閣臣之猜援孔孟為羽異令學</u> 足以自豪而乃造貶君辱國之謗欲以激皇上之怒稱 夫寰之本情在於姑直思應危一端足以自安勝 斥 公論正聖吉所謂屬經建白极拾餘言者也何難察哉 二項似乎公然告拾他人唾餘而曲終奏雅求解免於 箝 然後乗權勢之積念扶易撼之孤忠如鼓爐以燎毛 口而不敢言借與論為粉節令縉紳同聲而不 2.25 小群蘇偶存 敢

褫其章逢令不 齒於學校矣夫皇上方 重 瑞惜 瑞借 夏之 我 問據 寰疏中 謂生儒有如瑞者必将加之扑 累恭而必墜此刻章中之大奸俠也不意青天白日 之地是皇上之所変乃寰之所必擅也士君子之所 理瑞正則實邪寰正則瑞 人以風天下而電必欲抑忧慨之士如瑞者令無容 乃寰之所必點也以此何賢仇正潑恣無忌憚之人而 **卜有魑魅魍魉如寰者出於其間也夫天下無兩是之** 邪陛下 既諒瑞為孤忠必察 責 趸 師 其

多分四月

乞子可是公司 天下之公議鬱而不伸一海瑞尚不足惜正人有如海 立於東南諸士之上乎臣等何私於瑞何仇於寰但念 新進小生發天下之清議雖實有奸如山不可動搖然 臣等有裂冠毁冕而去耳必不與之並立於朝也臣等 儼然居師表之位驅天下士風日入於誕妄諂詐之域 足畏邪人有如房實者相繼而妨賢能則小人之道日 瑞者相繼而指為邪則君子之道日消矣 公論既明人心既快實雖預鈍無恥亦何面目一日 小辨癖偶存 一房寰尚不 復

多好四月有量 後且瑞在先朝輕 言不謬乞將寰去之不疑將鴉任之不貳使天下曉然 賣天聽伏乞陛 下以臣章下之大庭詢之廣衆如果臣 區之進退不為瑞明之是無人心者也故不避煩瑣冒 長矣好復否泰之機於是乎在不可不為之深應也古 知上意之所在則君子之道日長小人之道日消三代 有太學生擊鼓上書者臣等受國恩不敢在太學生之 直道復見於今而朝廷永享平明之治矣臣等不勝関 一身之死生以報國而臣等報重區

驟狗中外駭聽敬矢愚誠懇乞聖明急賜召見閣部院 禮部等衙門儀制清吏司主事顧允成等謹奏為聖諭 越待命之至 恭请册立皇太子疏

大きり長という

待皇后生子今皇長子及皇第三子俱已長成皇第五

小辨齊偶存

長幼自有定序但思祖訓立嫡之條因此少建册立以

計事臣等於本月二十六日伏親聖諭朕所生三皇子

大臣公集朝議條陳祖宗近事以遵實訓以重宗社大

齊莊誦 金少口是 青著改於二十 一年行茲巴届期於逢盛典且喜元 知所為莫不動色告語 立長你部裏便擇日具儀來行欽此臣等偶集朝 子雖在弱質欲暫 王錫爵星騎趙朝一見禮部尚書羅萬化儀制司郎 敢條議激瀆聖聰止緣遵奉皇上萬歷十九年册立 于孔兼即 相顧狂感及見大小臣工亦各相顧錯愕計 All Property 極力相戒無須激貼此事在錫爵擔當臣等 併封王以待將來有嫡立嫡無 謂 册立大典向來朝臣寂然 房 輔 嫡 明 無 不

密礼竟付元輔私邸值元輔自陳待罪之日臣等不知 定宗廟社稷至計未數日也至二十五日皇上出禁中 過責即聖古萬一未即傅宣而相臣必有斡旋微權以 且入閣辨事臣等始遂不能無疑或者皇上不謀諸閣 出聖前則元子暨皇三子皇五子一併封王而錫爵亦 信無有遅緩冊立以負祖宗在天之靈至次早禮部 札中所云是何天語第料得君如元輔者元輔如皇上 聽聞此言且信且慰亦各告戒謂事在求成不宜早計

人の日う これ

小辨 游偶存

金分で月子言 臣竟自宣諭禮部以致军臣不得封繳言官不及執奏 俱至錫爵私寫乃不得其一面始知今日之記皇上以 封王之谕乃錫爵以寸晷立就即次輔趙志阜張位並 之計豈可付之一人之手乎皇上武清心而籌今日 人有言天下事非一家私事盖言公也况以宗廟社 不得與聞而禮臣羅萬化科臣張貞觀部臣于孔兼等 而在廷諸臣徒自望風扼脫莫可谁何及聞人言啧啧 人議之臣等不至病狂丧心寧敢無言以員皇上昔

蠻之觀聽君子小人之所 顧盼而超起宫 関近習之所 臣調停之意亦不敢漫述漢宋故典及祖宗朝速事以 閣臣奈何嘗武之也臣且不敢危言以激皇上兼忤 人工可且 公司 皇帝近事請皇上法之世宗肅皇帝於嘉靖十八年 億萬年無疆之業近而四海臣民之注望遠而九夷 煩瀆敬體皇上法祖 風而承古社稷安危在此一舉皇上奈何易視之 事其關係何如者前而祖宗九廟之靈後而子 小辨癖偶存 一念直據世宗肅皇帝穆宗莊 中四 雨

金分口月有量 皇上可思也臣等當讀聖祖寶訓一字一句無非維 帝曾不設為未必然之事以少進大計法祖自近此言 諭大古倦倦以皇后生子為言則皇上不記昔年正位 立東官該禮部具題故實見在並未有三王並封之事 東宮之日乎維時仁聖皇太后亦在威年而穆宗莊皇 而皇上創見之臣故知皇上之必有不安于心也且聖 稷極應後來聖子神孫師得其意則國本固而社 不然而虚借文辭掩飾過舉至良法美意徒以籍 稷 持

此舉動以負祖宗二百年養士之恩于地下矣伏乞皇 慄之至 諸臣面議平臺仍將祖宗朝近事逐一查明唯 而 上近思舊章亟念國本不為一朝一夕目前逢迎之便 上法祖至意臣心可剖臣言非移臣等無任激切棟 為天下萬世圖久安長治之計則無如召見各部院 臣而資固能也忠臣義士所飲血椎心寧死不忍見 10:21 7:40 為季見羅中丞公竟疏 小辨解仍存 先 代 作 翟 從 **九** 在 不 欺

慰人心事臣聞天地以生物為心人君以好生為徳天 地之為道也陽常居大夏而以生育長養為事陰常居 賢劳邊臣苦惟極刑懇乞聖恩俯賜憐宥以溥皇仁 與其我不幸軍失不經其不得已於刑也如此是古 功 大冬而積於空虛無用之地是以聖王法之雖曰賞有 王之心即天地生物之心也恭惟皇上宽仁天縱慈爱 加 罰有罪二者固並行而 膳 其将刑也必為之不舉又曰罪疑 不 相悖然其將賞也必為之 惟輕功疑 惟 重

多定四月全書

之而不宥法司爭之而不宥臣不能不為皇上惜馬據 即古聖王好生之心也天下方欣欣舉手加額領我聖 大王田馬 無虛實大故懸絕其間情曲節該先後諸臣言之已 御史蘇都劾材前任雲南冒功事狀及材奏辨事狀 奉古依說就律李材者朝野悲傷臣民嗟悼乃臺省秋 刑之部無歲不下其不得已於刑又如此是皇上之心 天子仁壽之治歷萬裡無窮極矣獨原任即陽巡撫 切恩賞並從優厚至若隆冬咸暑解釋緊囚停 小辨癖偶存 今 有

上告也第聞論事者兼議其功論人者當務其素臣廣 臣未當足涉其南之境身與行陳之列不敢煩詞為皇 金万里屋 督臣未征之前往往有東安等處泥城之藥羽異漸 張門以下倚以為重觀其相機 調度并無遺策除山海 來情狀巨測嶺海之多事未有甚於此時也材自 倭夷猖獗適破縣城他如盤據 羅旁之搖僚俊去 東人也往材備兵廣東內則山海盗賊憑險為梗外則 寇母論已乃若羅旁干里為自來不庭之夷材當凌 石丁田 到 而 忽 任

全廣矣材日監督将吏如把總陳尚信張得實華等分 事而慮始不可也然此猶謂相持之兵尚可以漸圖 次殲滅殆盡以故村被速時應天府丞許 學遠以先與 首生獲不可勝葬又親督總兵張元勲追期倭於雷州 道計破倭城於石城外村島四石嘴柳梳海山等處斬 白明日攻石城高雷一帶郡縣朝不保夕賊日中已 乃若倭夷則豕突狼奔倉卒攻壓其勢難支今日破電 将角先沒卒之有一州二縣治之建其版圖謂非材

火之习事人的

小辨癖偶存

٠**۴** الح

夷考材生平篤志好學躬行無愧不獲於上勇退投閒 皇上可知以材之效功於廣東如此則未必純無功於 補於名教以材之不曲學阿世如此則其不以欺罔事 至於修身一揭力維心學性善一編深過禪宗尤大有 材同事嶺海服其功器形之書揭為材訟冤非虛語也 料皇上遂坐材以死也皇上即今召都而問之都未必 雲南可知量功計能罪不至死度虧論材之初意亦不 不部材之罪當從末減也皇上即嘉都摘發之能顯示

上之重罪材也将以懲臣下之欺罔也然鄭始輕言之 則不合揆之國體則不便無一而可者大抵兵事無常 而其完至於換罔不得上聞也材今日之罪於之事情 幸之斯由此且相戒以言為禁是皇上本欲以懲欺問 褒寵鄧必不貪雅用之利以材一命易都一官也且皇 而皇上果重罪之則臣下爭恐以一言之失開殺戮無

というし ない

兵李成梁保障遼東即臺省交章武其冒功皇上終不

小辨齊偶存

不可盡拘以文法故漢魏尚名将也不免首屬之誤近總

多分 位干進之嫌適符直言無隱之例又念方倭夷構亂廣 华 激於一時之不平耳稍徐之終當赦材無煩喋喋第材 臣之所以為材痛也臣亦頗聞人言皇上之重罪 可録既不獲比於成梁罪有可原又不獲比於魏尚此 以一青棄干城之將真愛惜邊臣至意有如材者功 體又臣之所以為皇上惜也臣本山林布衣初無出 已通六望七形 四月石書 罪有過之仁終無以白於天下 神衰弱倘一旦不 測病死獄中是 忠臣志士益以 材特 有 使

[7.] [1. 1.1] 散進大儒格論怨乞聖明持賜省釋以隆治道以正人 罪臣代材之死臣死亦安臣不勝関越俟命之至 道治道之隆污又係於學術自堯舜 再湯丈武孔孟之 之以為皇上即過聽臣寬材之生臣生亦安皇上即 心事竊惟天下之治亂係於人心人心之邪正係於治 忍不為全專捐生以報材手是以發情流涕為皇上陳 東百萬生靈之命俱懸於材材業以再生賜全專臣何 擬上惟此四字編疏 小辨齊偶存

急幸而乗機遵會稍有樹立則遂高自楊詡而反笑夫 宣暢其說當入奏事或要於路曰正心誠意之論上所 致力於本原者為迁為拙也寥寥漢唐數百載問惟董 七也學術清亂而治道人心從之即世所稱豪傑之士 華出而後帝王聖賢之道燦然於昭于世朱熹益發揮 仲舒諸葛亮正誼明道鞠躬盡瘁數語畧見大意一髮 有志於天下國家者往往以事求可功求成為先務之 千釣皮发乎殆哉迨宋周敦頤程願程頤張載諸大儒

敬定匹库全書

人口面 人 深其慮遠凡其修之家如之廷入以告於君出以語於 心誠意之防者義利雙行王伯並用八字也所以其憂 心真見夫立學術事功之開者正心誠意四字也潰正 默以欺吾君乎其與陳丞相書則曰上不敢愚其君以 人者惟謹守堯舜禹湯文武孔孟以來授受之心法而 而王伯義利之幾反復與陳亮辨析不遺餘力此獨何 為不足與言仁義下不敢薄其民以為不足共成事功 開慎勿復言未熹曰吾平生所學惟此四字豈可隱 小辨薪偶存 Ŧ

難者且曰無聲無臭何思何慮固聖門密諦耳曾不知 之以為無即無之以為混於是老佛之空鄉愿之似無 思慮奈何以思慮例之孔乎等諸惡而同歸於無哉同 義利王伯一切掃除而浮游於莫可是非之地有從而 謂之雙行猶知義之為是利之為非也謂之並用猶知 善性體也正自不落聲臭奈何以聲臭例之正自不落 王之為是伯之為非也近乃有以無善 無惡為宗者舉 不敢分毫假借隨時委此也柳臣因此而重有感馬夫 Ca. Total Like 勞力只成就在尺直尋四字臣亦曰孟子一生費盡心 並用之上甚可懼也朱熹又嘗答門人吕祖詠曰孟子 而上之至其釀毒之深貼禍之遠且在義利雙行王伯 惡為善故無善無惡之說其圓融巧妙若起正心誠意 有究也弊且無一之不有始也并以善為惡究也遂以 忌憚之小人皆淵藪窟穴於其間始也見謂無一之可 力只破得無善無惡四字今日請學家告心勞力只成 一生費盡心力只破得枉尺直尋四字今日諸賢苦心 小辫癖偶存

金分四月五十 字不著則無善無惡四字不息無善無惡四字不息則 宇編俯效片東仰塵宸覽伏惟聖明嚴自欺之戒於十 議與其書贖論及於治道者彙次成帙借名曰惟此四 修齊治平未易幾也臣為此懼不揣固陋問輯朱熹奏 就無善無惡四字夫學貴治本治要反經正心誠意四 以事其君為人子者惟此四字以事其父為人弟者惟 憂患之際正心誠意建其有極使為人臣者惟此四字 目所視十手所指之時克有所之思於忿憶恐懼好樂

此四字以事其凡而勿令邪説横議得以克塞於中臣 CA. TIME LIAN 愚幸甚天下萬世幸甚 小辨廢偶存

金万里屋有事 小辨齊偶存卷二

從心所欲不踰起到這裏聽打疊得箇心下今開口 孔子六十而 得 說自然耳便要隨他聽目便要隨他視心便要隨他欲 欽定四庫全書 不誤事) 辨齊偶存卷三 割記 早順到這裏絕打疊得箇軀殺下七十 小辨蘇偶存 明 餌允成 撰 而 便

性中亦自有真說自有真樂自有真君子初無假於 勢利為尚耳所以學而章三言不亦喚醒人心若曰吾 也是極勇的人然有似怯處如請禱之類是也是極 子路是極真的人然有似欺處如使門人為臣之類是 其詞含蓄不露最可玩味 也盖即孟子君子有三樂而王天下不與存馬之意 春秋時世衰道微其所謂悦所謂樂所謂君子大率以 人然有似細處如問事鬼神之類是也要須於欺 外

體處 こうう こう 舉爾所知爾所不知人其舍諸此見聖人以天下為 識他真處於怯處識他勇處於細處識他粗處始得 揜其不善而著其善是个膽小的小人中 庸曰小人之 聖人以萬世為一體處仲弓曰馬知賢才而舉之子曰 大學曰小人閒居為不善無所不至見君子而後厭然 **木石與居鹿豕與遊氣象便是喜怒哀樂未發前氣象** 子貢欲去告朔之餘羊子曰爾愛其羊我愛其禮此見 小辨虧偶存

到坑四月全書 中斷送不可不猛省也 肚乃知意得志滿之鄉正墮坑落塹之會好些人向此 弗受弗屑貧賤的却有廉恥厭足施施富贵的倒沒應 齊人有一妻一妾而處室者是个富貴的乞丐子一簞 須在暗地裏牢守界限未可向的然處鋪張局面也 中庸也小人而無忌憚也是个膽大的小人盖時中局 面寬容得假借獨知界限嚴容不得假借所以學者急 一豆羹得之則生弗得則死是个貧賤的乞丐子然 卷三

とこりませんは 當更費力令考朱子答陸子書未云近見國史漁溪傳 字却見得本無此字之意愈益分明武思之是朱子未 自為兩字則信如老凡所言不敢辯矣然因渠添此 載此圖說乃云自無極而為太極若使漁溪本書實有 書礼往復費許多言語洪景盧所作國史濂溪傳乃云 自無極而為太極添自字為字使朱子見之群論之間 有一段云源溪太極圖說無極而太極朱子與陸東山 何燕泉所著餘冬集録最稱多識乃外篇三十一卷中 小辨癖偶存

知孔子曰儀封人為上荷黃次之晨門為下其餘無可 或問儀封人展門荷普楚狂長沮祭溺丈人諸隱士孰 當不見國史所載却是燕泉不見朱陸往復之詳耳 視天下無不可為之時無不可化之人真是真其可 之似最得聖人心事而以為下何也曰聖人心腸 極 置優为也或曰儀封人誠卓矣晨門說知其不可而為 沂風詠氣象 玩肅肅克且詩識戒慎恐懼氣東玩采采朱首詩識浴

動力四月

411

民須是一家非之一國非之天下非之而不顧不要懦 聖人盖欲為武子之愚而不可得也 道則知邦無道則愚其知可及也其愚不可及也嗟乎 孔子曰天下有道則見無道則隱及其自處則曰天下 為之非知其不可而為之也 王少湖先生謂高存之曰凡人待文王而興者便是凡 人平心處又要識聖人苦心處他日當曰寫武子那有 有道丘不與易也恰似無道則見矣看此等語要識聖

欠己り馬という

小辨確偶存

王塘南先生有儒者氣東李見羅先生有儒者氣魄 苦澹然終日静坐或閉户經月與之錢則群與之衣寒 陣堅苦工夫故得成就耳存之又言新會陸古樵者清 謂存之曰公當潜養數年不可發露先輩皆背地用一 金月四月百里 力令我制事無使事制我凡此皆吾輩所當服膺也 大本一日有一日之力一月有一月之力務要静有定 而衣之媛而返之井然不茍問其學曰主静曰只要立 弱了又曰居鄉勿為鄉愿居官勿為鄙夫潮陽蕭自麓

自苦心苦口向頂門上著針而猶麻木不識痛癢莫肯 故孔子曰不曰如之何如之何吾未如之何也已矣已 父母之不我愛於我何哉父母與人子猶分做兩箇者 來勘去殊覺有得力處 以自鞭策一解曰億逆得中自家的心腸亦與那人 逆詐億不信五字入人膏肓所謂殺機也余當為二 而今每每自暴自棄曷不反曰我之不自爱於我何哉 解曰億逆得不中那人的心腸勝自家多矣將此勘

次ピロ目をい

小辨癖侧序

然也 若不辨箇行一 以易簡廢工夫若求易簡便入異端去矣又曰程先生 同乾之易也以健坤之簡也以順盖以健順而易簡 高存之曰此理真是易簡然却與世之所謂易簡者不 見知而不悔心腸何緣入道 每喜人静坐朱先生每教人讀書此意真妙 一不義殺一不辜而得天下不為避世不 非

發情自傷如舜之號泣於天者何其肝膽楚越若是怒

金万四月石雪

處古人忙余當以此四語反復哦味得趣甚多 俱有事山谷又曰古人冷淡今人笑白沙又曰今人閒 武思嬰兒在母腹中原非 周子太極圖說動而生陽四句說者以為陰陽動静有 危即墮落矣此言極可玩味 書曰人心惟危王少湖曰危之一字是常明燈一息 不 黄山谷詩云朝市山林俱有累陳白沙詩曰朝市山林 何等待愚初亦疑之細細 體勘乃知周子心通造化處 一蹴立就其間之動而静静

大巴马耳在

小辨癖偶存

象亦必如此口 未發時氣象而令病痛大都 而動者不知凡幾 而後男女成馬度太極 有 程子問謝 延平先生云書不點看得更好 記 身 此 变 理 林 只 逆 是發得太早或 周子之言未可容易測量 顯道近日用心對曰只用 其娶坐云 馬 恭 Œ 鋭愛 叔 白 學 問周恭 不看只點而 速伊牖蚤 P 每川切年 权 此便是喜怒哀樂 議登 惜爾 何思 恁 b 母科 胞 地 L 放開 何慮 胎 天地 -po 景 何 句

脱得開只為立不住便放了明道門擺脱得開為他所 大見り目へら 朱子當曰孟子一生費盡心力只破得枉尺直尋四字 過者化顯道之意即程子之意也此兩重樂案切中近 今日講學家只成就枉尺直尋四字愚亦曰孟子 康節先生精於數學伊川先生與同里卷三十餘年 世好言自然者膏肓之病當各寫一通置之座側 字問及之此方是朴實頭向裏做工夫的人 义日知又何妨此不害为意既而密告人日勿今 小辨癖佩存 不害義理謝顯道曰他不是擺勿今尹彦謝顯道曰他不是擺

害熟為大曰言直尋猶知直之為是也言枉尺猶知枉 明道先生曰昔之感人也乗其卑暗今之感人也乗其 之為非也曰無善無惡則一切掃抹莫可致詰矣然枉 無善無惡四字或曰無善無惡四字與枉尺直尋四字 費盡心力只破得無善無惡四字今日講學家只成就 髙明又曰人才 愈髙則陷溺愈深嗟乎此孔孟之所 尺直尋常人尚以為耻而無善無惡賢智反以為高故 懼

大正日年に 在我而已是以行義達道的人却說隱居求志的話冒 語者下無然二字真傳神手也 話頭但孔子說得來甚想側孟子說得來似鋒利記論 世之求富貴利達者勿論已沮弱 孔子謂沮溺曰鳥獸不可與同羣吾非斯人之徒與而 誰與孟子曰克仲子之操則則而後可者也俱是 而於天下治亂畧不經意者或從而難之很曰盡其 世孔子尚咨嗟不滿馬乃有號為君子業已立人之 小辨癖偶存 班人不失為賢者 般

世眼目 楊龜山先生謂毛當陽云士人如張孝伯真可謂恬於 龜山見程明道而歸目送之曰吾道南矣龜山果傳之 孔子以一貫授曾子而曾子果傳之子思以及孟氏楊 是即此又沮溺之罪人也 周流之跡而懷誰與易之之心所謂盡其在我者固如 金月口石人可言 進取者因說張孝伯好曰恩人也然終無使他處若據 豫章豫章傅之李延平至於朱子日益光大方是命

此人天資直是美情其少學耳問孝伯樂正子之流否 残去殺 追愿者之事因又問九德曰愿而恭盖愿必濟 問愿與善人如此其異乎曰善人為邦百年亦可以勝 日非也彼已無進為無世之意若樂正子將爲政於會 ここう 者自為之人耳如孟子所謂責難於君愿做不得責難 以恭然後能成德也然愿者自應恭謹何謂相 為也如孝伯恐不足以當人望只是一箇愿態可尚 孟子聞之為之喜而不寐孟子不徒喜也盖望其能 111 小狮 蘇州 游曰愿 有

於君愿特貌恭而已思按三代而下只是鄉愿一班 多页四年 全書 詩文陷人以謗讪宗廟之罪吾輩也便學他如此只是 山日君子作事只是一箇道理不成荆公之徒箋註人 或謂荆公晚年詩多識說神宗做儘得該訓宗廟楊龜 孟子好辨章在陳章提出兩箇眼目真有大功於萬世 利魚水便宜受用雖不犯手裁君哉又而自為太重 埋下弑君弑父種子仲尼惡鄉愿正與作春秋意 把持正理何在如元祐臣寮章疏論事令乃以為誇 同

惡者 若爾公何不殺人放火志寧無語此亦近來談無善無 龜山常問林志寧云至道無難惟嫌揀擇是否曰是曰 甚事此等議論真是天地氣象 們亦當該弘不惟效尤兼使元祐賢人愈出脱不得濟 訕此理尤非使君子得志須當理會令分明今反謂他 假則是真矣真假皆無尚何有哉此最勘透無善無惡 持國曰道無真假程伯子曰既無真則是假耳既無 斷案也 こよう 小辨麝偶存

とこうき

若不竭力明辨此道無由得明夫頓悟二字便是空字 性善而上之極其弊乃更甚於前卿之性惡其至善也 始也等善於惡究也且混惡於善原其指直駕孟子之 箇混字故始也見謂無一之可有完也且無一不可有 勘透無善無惡末病本病只是一箇空字末病只是 **金万四月五十** 朱子曰海内學術之弊只有兩端江西頓悟永嘉事功 乃其所以為至惡也 本病李見翁曰無善無悪既均則作 善作惡亦等此最

的入門事功二字便是混字的出路太史公謂申韓原 於道德之意而老子深遠矣愚亦謂頓悟事功告原於 周子言無極而太極朱子解之曰上天之載無聲無臭 無善無惡之意而無善無惡深遠矣 太極之外復有無極也其說精矣乃象山陸子既專駁 而實造化之樞紐品彙之根抵也故曰無極而太極非 無極二字近時說者又專檯無極二字却将太極放在 次主四車全雪 一追不知於周子之指何如也 小辨癖偶存

知矣 是可喜事但未見用其言而自明兩遷矣在言者亦須 張南軒與朱子書曰鄭自明直言亦不易容受其直固 道德經為無為章語而孔子不取其說則莊生之誣可 莊生稱孔子見老子退而對之曰猶龍然以德報怨實 樊遅問知子曰務民之義敬鬼神而遠之便是防頓悟 更審顧也又答吕東莱曰所謂辭氣務令平和然實處 門問仁曰仁者先難而後獲便是防功利一門 卷三

易離九三曰日是之離不鼓缶而歌則大達之嗟玄歌 欠己四年 全 起念不如此則如彼不知人生世間如日昃之離有熟 謂祭生者也 **嗟謂憂生者也言人情憂樂只在軀殼上** 恐終不免為姦而已矣此 而 直前妄發固為不是然於所當然而不然又別為之說 之論退而察之其實畏怯名曰憂國恐只是為身耳盖 不自覺者特為拈出 回該此語盡之矣項見相識問有好為調養審 小辨齊偶存 兩種議論往往有墮入箇中

之言性與天道不可得而聞也方是契此旨趣顏曾 門人而發熹恐此句從聖人前後際斷使言語不著處 |朱子嘗問李延平曰子欲無言明道龜山皆云此語為 愤忘食樂以忘憂不知老之將至是真能憂樂者也 多時節何為靠這裏尋箇憂樂出之道也故聖人曰發 不知不覺地流出來非為門人發也子貢聞之而未喻 不待疑問若子貢以下又不知所疑也答曰此一段說 有疑問到後來自云夫子之文章可得而聞也夫子 則

讀周子太極圖說通書李延平答問録雖文質大小 知措 齊之於胡散齊陳白沙亦然 肯猛然割舍非大勇不能也 とこうを 同 物生馬天何言哉數語便見氣味深長則予欲無言 来恐不消如此説只玩夫子云天何言哉四時行馬百 甚住但云前後際斷使言語不著處不知不覺地流 同是 歸矣由此觀之朱子然會談禪得李延平 · ... 图元氣其 職既出程朱非 小辨癖偶存 易易也近來吳康 + 一撥便 可 出

性書識仁說却不將來與太極圖說西銘一例表章此 朱子平心巨眼真未易及如明道先生最所尊信然定 此 朱子以堯舜傅賢為窮理盡性以至於命說得甚實了 **動员四月全書** 陳龍川上宋孝宗書曰今世之儒士自以為得正心誠 意之學者皆風與不知痛癢之人也舉一世安於君父 是裁成輔相手段 便知下學上達之義 不從立妙門討入路下不從方便門討出路

勢已窮而將變變而通之何啻反掌之易孟子知其理 陛下接之而不任以事臣於是服陛下之仁盖明武朱 周道衰而王澤竭利害與而人心動計較作於中思慮 不可勝救惟人心一正則各循其本而天下定矣况其 四海而未已孟子生於是時憫天下之至此極謂 子所謂平生所學惟此四字之語也及其論孟子則 之譬而方低頭拱手以談性命不知何者謂之性命 其始將計其便安而其終至於爭奪誅殺毒流 派 曰

とこう

1.4.5

小辨癖偶存

如此 以龍 曾子所謂而令而後吾知免夫言人生 乃民之東國而其告孝宗者則說遇獲禽之智耳始 之甚速而時君方以為迁吾是以知非 金分四月百里 (心之難正也何一人之口判若兩舌彼其論孟子者 不得足也即仁以為已任死而後已之義舊說云免 戰戰兢兢一息是如臨深淵如履薄冰更放不得手 則磊落不羈要難為龍川許也 川識即未純亦磊落不羈士也令觀其論議反復 斯 息尚存 道之難行 息 而

火三四日 白 馮道云吾三入相每不如前以雅任 親故知之初入能 者往往墮入貨色關裏是則此三字乃好貨好色之引 名根而生者也其言似矣然以余所見世之談不好名 欲反之於心覺得貨色之欲猶易勘破名之為欲其幾 或語王龍溪曰陽明夫子當以好名好貨好色為三大 子耳余未知其害之孰大孰小勘之孰難而孰易也 甚微其為害更大一切假借包藏種種欺罔未有不從 於毀傷語意煩緩 小辨虧偶存

臣名籍鄭君當為項籍將屬漢不奉的語盡拜名籍者 讀書鏡曰漢髙不殺泰子嬰史稱其寬仁大度然畢竟 權日輕也客有舉此以謂余者曰宰輔權輕爾頭道猶 用至丞郎再入能用至遺補三入不過州縣是宰輔之 金人里屋台門 為大夫而逐鄭君却是露出本色也我太祖方元主祖 有敗露處項氏已沒項伯以下賜姓劉又令諸故項籍 **氽為之三歎** 反顏喪節易四朝事十君割舍不下假令權重當如何

量也 孟子曰世衰道微邪說暴行有作盖暴行之興往往始 觀之漢高豈能及得我太祖来然則我朝泰運要未可 **謂漢高與太祖畧相類余請無論他事即以前二事並** 稱賀我太祖常躬祭歷代帝王廟至漢高像前曰我與 酮 公告以布衣起得天下公是好漢子命再加 至羣臣皆賀謂侍御史劉炳曰爾本元臣今日之捷 不當賀因命禮部榜示凡北方捷至當仕元者不許 爵議者

火元の馬上から

小辨癖偶存

於那說所謂飾詩書文奸言留心世道者不容釐毫放 以自奉不為過也夫堯舜茅茨土階其稱禹曰克儉于 費安石乃言陛下若能以堯舜之道治天下雖竭天下 數姑即一二事明之昔神宗皇帝稱美漢文罷露臺之 安石告為邪說以全學者耳目敗壞其心術者不可縷 孔子廟庭然致今日之禍者實安石有以啓之也謹按 名實挾王安石以圖身利故推尊安石加以王爵配享 過也昔楊龜山為祭酒上言蔡京以繼述神宗皇帝為

金牙口戶台門

していする ハイ 樂之無後艱耳而安石獨為此說後蔡京革争以奢借 萬物費而不為侈按此章止謂能持盈則神祇祖考安 之末章則曰以道守成者役使羣衆泰而不為驕宰制 去配享之像康便作龜山志銘備載其說五峰疑為迂 害豈不甚哉乞正其學術之繆追奪王爵明站中外 相高輕賣妄用躬極淫侈實安石此說有以倡之也 司號為享上實安石自奉之說有以倡之也其釋見為 家則竭天下者必非堯舜之道後王黼以三公領應奉 小辨癖偶存

辭告破矣余每讀至此毛骨竦然嗟乎今天下設淫邪 部分四月 全書 之肉案上也 遊之群為不少矣安得如楊胡兩先生者 取其心肝 之則王氏心肝懸在肉案上人人見得而該淫邪道之 濶康侯曰此是取王氏心肝底割子手段何可不書書 意同原是一句朴實話頭近來談者將朝聞解作 朝開道夕死可矣正與人之生也直問之生也幸而免 夕死解作不朽夫道固即生人之理聞道而死固有不 知生

大三日直 吾人性體非持無不善度是無善且如太空中疾風暴 此言未嘗不是但其認知覺運動為性未免是錯若論 深切著明矣乃白鷺洲會語又云性無善無不善告子 未穩學者依憑此語如服毒藥未有不殺人者也可謂 王塘南三益軒會語曰心意知物皆無善無惡此語殊 **俾六經孔孟盡改頭換面做出一般惡模樣也** 朽之理然使聖人說箇朝知生夕不死矣便涉怪誕若 要說此道理寧可另以已意發揮不得牽聖人以從已 7.1. 小辨齊偶存

客宋儒說看未發以前氣象不能無獎如何曰這話 多好四月分書 雲為善相去何啻千里 雨 固 謂未發以前不容說此處亦無氣象亦難以言語形 '太虚本體所謂維天之命於穆不巳者也以景星慶 性之本體矣似仍背却夫知覺運動之性說不得無 無惡如何仁義禮智之性倒說得無善無惡且善原 不常有即景星慶雲亦自不留若有善有不 淵渾是一 一團元氣深體味之有無限妙處若更 卷三 善 颋 即

大王马耳人时 於黄河 斷根於夫婦及其至也混沌天地 吹毛求疵便似說夢 自三代以後其為中國財用之蠹者莫甚於佛老莫甚 吾儒之道造端乎夫婦及其至也察乎天地釋氏之道 絶 生惹出許多事所以釋氏勘破這關族子劈頭從夫婦 天地絪縕萬物化醇男女構精萬物化生只為化醇化 起正要得生生路斷選歸混池耳 則以有用之金塗無用之像一則以有限之 小辨蘇偶存

始念世而過馬者也 長之物即混沌亦暫時事耳惟將善惡直截抹殺消長 生以來相殘相賊日甚 財填無限之壑此所謂殺機也 金牙口月石量 根雖絕而善惡之根未絕畢竟天地間尚有自消自 刀耳胡敬齊曰聖人有憂世心無忿世心是知釋 氏要得混沌亦是有激而然盖見得自天地資始資 (無婦此釋氏權法無善無惡此釋 氏本法盖夫婦 一日所以直要向咽喉下下

識 火ビコ車を 或問昔人謂子貢晚年進德如謂仲尼日月等語真是 是窮理盡性以至於命陸子曰吾友是汎然問老夫却 疑了問是揀難的問有學者終日聽話忽請問日如何 知生馬知死游定夫問陰陽不測之謂神程子曰賢是 機關方才斷滅方成箇大混沌去 季路問事鬼神子曰未能事人馬能事鬼敢問死曰未 不是泛然答三轉語大畧相似而氣象逈别讀者須要 取 小辨癖偶存 Ŧ

處孔子一生之學只是來仁只是行恕一時已將天下 用我者期月而已可也三年有成一 家也豈知孔子一生精神只要得邦家故一則曰苟有 為吾衰鳳鳥不至河不出圖為吾已連孔子亦不信自 為進德果若是說非但子貢不信孔子如以周公不夢 萬世都貫徹了子貢不知且追恨夫子未得那家如何 尊信孔子到至處羅近漢曰此是子貢到老不信孔子 吾其為東周乎盖使孔子得邦家詩書原可刪周易原 則曰如有用我者

金发业屋石里

中庸喜怒哀樂之未發謂之中發而皆中節謂之和發 孔子心事未容輕議也 孔子賢於堯舜此意又當别論若得那家三字正點著 我欲託之空言不如見諸行事之深切著明者也故說 與未發就喜怒哀樂說道也者不可須與離何言發未 了不得邦家畢竟雖却見在放過許多亂臣城子所謂 **竹禮樂原可定而春秋可以無作天下萬世一齊俱**

とうこうう たれつ

發也程子曰寂然不動感 而遂通此言人分上事若論

小辨癖偶存

主

道則萬物皆具更不說感與未感最為的當 或問陸東山先生喻義喻利講章不過數行程子科學 陸東山曰成陽放桀於南巢惟有慙徳湯到這裏却生 象山最真切處也盖象山平生說得極高妙且言惡能 是說得好何其深嘉而樂與之至也曰此朱夫子接引 夺志之說耳乃朱夫子一則曰其不會說到這裏一則 金万四月全書 曰切中學者隱假深痼之病一則曰說得這義利分明 疑此湯之過也下讀來是警語細於來是險語

小今却剖判得如此分明朱子所以竭力接引他日又 心獨苦矣象山乃曰朱元晦欲去两短合兩長然吾以 用力去短集長底不墮一邊耳詞煩而不雜可謂良工 於義理上不亂說却於要緊事上多不得力令當反身 所以為使學者持守可觀而看道理全不仔細熹自覺 要今子靜所說專是尊徳性而基却是道問學上多了 害心善亦能害心渠者分别義利還是第二著病痛不 日子思以來教人之法 尊徳性道問學兩事為用力之

大門可見 人子可

小辨癖偶存

因戰國又無治天下之法 可傳若有真儒舉先王之法 胡敬齊曰三代以下之君漢高祖天資最髙惜乎無真 里之外也 爲不可既不知尊徳性馬有所謂道問學何距人於干 然後可以行局官之法度漢萬分羹 儒輔相若得真儒輔相三代可復 那時秦法前虐不可 而謂其能舉先王之法誤也 祖必肯依從愚以為未然程子曰有關睢麟趾之意 語此根已自斬

多分口用台票

大己日日人 也各於其黨觀過斯知仁矣又曰君子而不仁者有矣 矣大抵論君子 不可刻論小人不可恕孔子曰人之過 朱穆為過也此言最正要之穆真所謂進不隱賢必以 論議有足稱者然乃從梁真之辟何也孟子曰觀近臣 其道者盖與龜山應察京之薦同而擬於蔡邕失倫甚 在其為身孙哉然邕之從董卓無異於梁真宜其不以 以其所為主觀遠臣以其所主以穆之賢而主梁冀鳥 楊龜山曰蔡邕謂朱穆貞而孤有羔羊之節觀其立朝 小辨癖偶存

論易牙曰其子之不爱安能愛君論衛公子開方曰其 **兵管仲將死與桓公論豎刁曰其身之不愛安能愛君** 惟大人為能格君心之非正已也已不正即有言不信 脱小人乃萬古不易之斷案也 金分口四台雪 親之不愛安能愛君以為非人情不可近也桓公不能 夫未有小人而仁者也必如是方不埋藏君子方不出 屏也而三子者辛 亂齊國夫仲不愛子糾 而愛桓公宜 其有言不信也

道曰仁與義這仁義是三才靠傍率天下而禍仁義便 易曰立天之道曰陰與陽立地之道曰柔與剛立人之 禍更出亂臣賊子之上矣告子論性意亦如此自家 不 獨尊八字明白後其君却道君不得而臣明白遗其親 為仁義却道仁義战贼人性所謂率天下而禍仁義也 却道父不得而子其地步直據忠臣孝子之上而其流 戰國時佛法未入中 國然成丘家所稱語云盛德之士 君不得而臣父不得而子其胚胎暗合天上天下惟吾

灰巴四尾公馬

小辨齊偶存

一十四

武王曰予有亂臣十人金仁山曰法疏治亂曰亂諸 解 是父不得而子一項故曰無父也 楊氏為我是君不得而臣 禍仁義便率天下而禍天地此惟吾獨尊之說所自來 率天下而禍君父此咸丘蒙之説所自來也率天下 古治字從爪從系從し取以手理系而有條理也為字 亂字因之其失久矣按古文尚書德惟乳否德亂 項故曰無君也墨氏魚愛 駅 書 而

金万四月日

亂與古文不合令宜正之此說亦自可通然武王說箇 とこうこと 老子曰善人不善人之師不善人善人之資聖人則 免 不容將字義強解胸却武王心事也 有輕矣是知予有亂臣一語正與惟有慙德同一血 D睡成湯之在誅也觀其言曰于湯有光明謂於堯舜 **し為亂與亂字相似書家以獨為治其加し者為煩** 臣關係順大盖重慨其不得遊於唐虞之揖讓而不 其善者而從之其不善者而改之老子曰報怨以德 7.4.0 小辨癖偶存 五 脉 曰

聖人則曰以直報怨以德報德老子曰知我者希則我 妙處若曰誠詞則當時文王之諡宣周之臣子代為文 禮樂制度之謂不曰道而曰文亦詠詞也似未必然盖 子曰文王既沒文不在茲乎註云道之顯者謂之文盖 贵聖人則曰人不知而 王謙 了許多手脚 子因說文王遂將文字逃下此風行水上自然成 耶 不 愠聖人何等自然老子 丈 費

卸好四库全書

是時疾且亟矣氣息奄奄而其聲響尚琅琅可聽畧無 請之者盖即問事鬼神意也及夫子曰有諸而子路曰 之至情初不請於病者也夫此禮子路寧有不知而且 讀之當日精神意象完在目前記者真可謂善形容矣 昏愦之態正曾子得力處也只這一言字今百世而下 曾子有疾孟敬子問之曾子言曰加 有之夫子亦不與他辨个有無但曰某之禱久矣只此 子疾病子路請禱註曰禮疾病行禱五祀盖臣子與切 言字極有意盖

大巴马阜 台馬

小辨癖偶存

之至也 果遍天下論語曰頗淵季路侍顏淵少於季路而記者 當日誠意何等渾融何等含蓄聖人之言真天理人情 妨於某之禱既不失却自己平日素心又不失却子路 句見得其之禱無假於子路之禱又見得子路之禱無 先之尚德也至今顏淵果配享文廟一時評次遂為萬 世公案若合左券然不是太極作得主定何一毫不 我曰以予觀於夫子賢於堯舜遠矣至今夫子之廟

金月口屋人

陶淵明詩曰死去何所知稱心固為好曰雖留身後名 好人譽他要之譽我之人不能常在更從何處通譽即 善常所欣誰當為汝譽方是徹底公案盖凡人好名只 如此致中和天地位萬物育要是實理實事非虛語 生亦枯槁又曰與其有身後名不如即時一 消殺這名字然畢竟隔靴極癢透不到本處至曰立 羅先生所判經世四局誠具干古隻眼但堯舜湯 可付諸啞然一笑也 杯 酒儘

たこりも

小辨癖偶存

キャ

之賜得專在代如戡黎過客之師一怒而安天下所行 孔子中間似不容插入箇管仲其惟文王乎文王三分 顯其迹者人臣居亂世事暗主任方伯連帥之責其局 者湯或找民之事也此正合揖遊征誅并為一格而不 而為子之子喻涉武之局變而為篡逆孔子之局變而 面自當如此故夫文王之局變而為管仲堯舜之局變 天下有其二以服事殷所存者免舜其君之心也弓矢 假道學實人心淑 悪之關 世道升降之界也

金月四月有量

肚裏是自家肚裏春皮是自家春皮自家饑飽自家知 欠己日臣 白書 鮮能知味也孟子曰熊者甘食渴者甘飲此從春皮過 過我吃飯從肚裏去弟語本此這两句剖判古今學術 教人如何下語然且說看程子曰別人吃飯從春皮 大要爾爾但恐吃向春皮上過不肯打從肚裏去耳 余續讀書樂為三樂吟舉似髙存之曰人生家常茶 心界限極是分明暑推其樂中庸曰人莫不飲食也 /還教云此箇意思如何打從肚裏去更下 小辨癖偶存 王

脊皮上過者也禹思天下有饒者由已饑之此從肚裏 道之人弗受障爾之與乞人弗屑蹴爾之與此從肚裏 饜足于墙間妻妾相泣於中庭此從春皮上過者也 其中顏子節食瓢飲不改其樂此從肚裏去者也亦 者也易曰頭貞吉觀頭白來口實孔子疏食飲水樂在 者謝上蔡所謂食前方丈便向人前吃疏食菜羹便向 去者也諺云只要自家肚稟飽邓管他人肚裏饑此從 去者也又有不從脊皮過不從肚裏去只向眉目上轉 行

金月日月月日

若下馬者只飽食暖衣做个人類中禽獸上馬者只咿 信行之似應潔是也古今學術人心之變縣可觀矣 こうし 我革亦須料理一番起羊曰我已無意於用世矣余曰 倭冠侵掠朝鮮横甚適錢起幸過訪談及余曰此等事 百姓又不吃百姓苦是誰恩德皆靠我聖天子福運也 日食萬錢者孟子所謂同乎流俗合乎污世居之似忠 屋裹坐者也又有遇孔顏便說疏水單歌遇何曾便說 不要這樣說且道我輩做了進士又不吃進士苦做了 小解解隅存 二九

須將國家事料理縱然我不用世舉我所知以待用世 唔佔畢做个簡編中蠹魚成恁麼學問既為國家臣子 或問先儒説鄉愿是个無見識的好人然否曰孔子以 習平鋪放著分明畫出箇樂字 泉故可樂大段說得費力易曰麗澤兑君子以朋友講 者採擇亦不為無以報國也起華首肯 有明自遠方來不亦樂乎程子曰以善及人而信從者 為德之賊賊字太利害若如所論一則恕了他一

稣定匹库全書

言也 とこりら こき 慮始者非王道也 於未革之先象曰未占有孚是也傳謂變其故人未能 速信必已日然後信此商鞅之徒所云民可與樂成難 十干以庚次已庚者革也易革之录曰已日乃孚言孚 **亅他恐未盡** 一之實體與仙家所云靈丹 庸曰今夫天斯昭昭之多這昭昭之多正點為物不 小辨齊偶存 一粒相似非指其一處而

每 反 四 月 全 書 **齊偶存卷三** 胸